

續金華叢書



續金華叢書



解嚴
川高

表
勵
準



甲春康宗校
子永胡楸鋟

屏巖小稿

續金華叢書

元 張觀光 撰

古風

擬古五首

畹中有幽蘭風露飽清抱含章不求聞坐見九秋老夫君日已遠佩飾爲誰好何如斂餘芳山林養枯槁

驪龍有明珠奇氣久磅礴一爲鮫人采夜半泣海若至寶諒難得珍藏思遠託如何賤所貴用之以彈雀彈雀亦何惜一去恐流落

名門有貞女始結絲蘿盟嫵婉席未溫良人已遠行遠行何時歸妾身不自輕空幃守寂寞誓以終此生雖云受恩淺耿耿懷至情

山中怪物變草木自四時秋水照短髮血氣日以衰寒藤不知枯青上疎籬繁陰縱有託已迫風霜期餘生方自憐孤吟欲何爲

徂徠有嘉木薿薿高連天修柯濯雨露沃葉藏雲煙根蟠九地暖聲落四壁喧由來所養異不與春相干歲久產茯苓土色腴且堅山人

月窟人禾
二
勵爲藥至味通靈仙願言事服餌身可三千年

旦景

雞鳴起濯髮披衣出戶牖自汲古澗泉落月猶在手三漱吞朝霞餘
光散花柳茲意難語人延竚忽良久

至後

道人坐茅宇獨抱無絃琴對此景物異夕雲散還陰雨氣一簾潤雲
意千山深新陽暢微暄疎花點孤林芳時坐消息孰同歲寒心孤梅
發清夜庭樹驚棲禽

故相賈秋壑舊府

當年構華屋權勢傾衛霍堂宇窮斧斤天氣煥丹牖花石擬平泉水
陸致茲壑惟聞丞相嗔肯後天下樂朱門銷荆榛花木已蕭索蒼生
顛墮崖國亡身孰託空悲上蔡犬不返華表鶴丈夫保勲名風采照
麟閣胡爲一聲鉦聚鐵鑄此錯回首暮煙昏不能掩餘忤

九日會王修竹西樓預坐者七人以落霞與孤鶩齊飛分韻予

得落字卽席走筆

冉冉五雲深
西山日光薄
登樓集羣賢
縱目天宇廓
落木悲徂年
寒光照杯酌
浩歌興悠然
意行非澗壑
緬懷龍山遊
此樂久寂寞
胡爲落帽人
白首戀賓幕
醉餘發詩情
分韻盡佳作
吾愛漉酒巾
西風吹不落

綠珠

娉婷石家姝
榮顯晉朝使
斛珠不論貲
得備巾櫛侍
一笑金谷春
粉黛皆歛避
豈知步障中
乃復爲愁地
念主愛妾深
因妾爲主累
樓頭風月愁
殘花抱春墜

燕子樓

繁華隨逝水
日暮高樓空
哀哀徐陵妾
事主不及終
空房輟膏沐
明妝爲誰容
春風燕子來
秋風燕子去
去來影帶雙
孤鸞抱憔悴
回首醉嬌時
百花不敢媚

潘淑妃

二八入宮掖一笑輕三千雲階渺何許步步生金蓮繡鞋不勝春風
若凌波仙榮華一回首荆棘生我前君恩花上露妾心井中泉井泉
誓不波下照青青天

秋胡妻

陌上桑葉稀家中蠶正飢妾心知採桑安知使君誰結髮爲婦人幾
年空守幃婦義不移天黃金欲何爲老姑倚門久不待盈筐歸爲妾
謝使君風化關庭闈

紀夢

是年大旱

老年屏人事北窗寄高眠夢魂御風去金闕開九天虎豹獐不嗔知
子有仙緣王座擁五雲香爐飛紫煙青衣兩童子舉手導我前下土
蟣虱臣愚衷欲敷宣兵戈幸休息饑饉方連綿洪惟大生德實司水
旱權願言回哀眷與世解倒懸上帝允臣請乃曰賜豐年再拜謝闕
下回飈隨林泉夜雷聲殷殷甘澤朝滿田沈思喜且驚異夢非偶然
士懷當世憂膏澤期無愆貞觀有房杜斗米三文錢

夜後謝友人顧問

索居坐孤陋卻掃甘隱淪荒徑無轍迹蓬蒿方蓁蓁風雨撼四壁一
榻寄屈伸誰念相如病豈堪原憲貧友人隔河梁懷思賦停雲柴車
忽過我問勞何殷勤促膝話契濶道合情更親語言邁流俗意氣含
至真盡懷談不盡浣我胸中塵盤蔬與束脯草草爲爾陳瓦盆煮新
酒味有太古春非徒洗磊塊亦足消鬱壓北窗坐終日薄暝生秋旻
斜陽戀客影把袂不忍分此去歲月邁何時復相親我輩重道義勢
利何足云榮華易消歇德齒久彌新願言保名節努力配古人

遊謝仙巖飛霞觀巖下李參政墓

鬼工鑿山骨何年驅六丁飛霞遶石洞縹緲開珠庭永懷謝仙伯坐
斷山水城我來事幽雅登臨委客情松風驅溽暑自覺毛骨清猿鶴
亦仙意人生空營營石麟卧荒草問是誰家塋野老對我言其人昔
公卿金玉埋黃壤送日冠蓋傾興衰異百年所重非脩名乃知鐘鼎
貴不如薔薇馨所以世外人返老還孩嬰倚杖空歎息洞口雲冥冥

約王琴所不來舟中偶成

清飈捲炎埃碧水出秋素迢迢見山亭回首隔煙霧酒帘颺漁邨笳
鼓響軍戎倚蓬問舟人云是三江路籬落雞難棲野水牛已渡釣翁
炊荻煙稚子收漁具抱琴人不來殘陽在高樹

種松

去年種松樹未有蒿與蓬今年松漸長埋沒蓬蒿中老髯何蒼蒼歲
華不改容回視蒿與蓬零落悲秋風

題三月梅花卷

紛紛姚魏家顏色競嫵媚人方眩春華東皇出古意素花飾鼎寶綃
袂立蒼翠猶如喧啾中孤鳳忽呈瑞歸然山林尊坐使眾芳媿

讀文相吟嘯稿

垂垂大厦顛一木支無力精衛悲滄海銅駝化荆棘英風傲几礎濱
死猶鐵脊血灑沙場秋寒日亦爲碧惟留吟嘯編千載光奕奕

雲間有懷

風流懷二陸才名動三吳荒塚今何許千載空煙蕪當時呈文筆萬
象爭先驅有如明月璧美價傾鴻都世運有翻覆韞匱空良圖惜哉
去就輕喪此千金軀人生各有死百年同須臾獨遺文字芳乃與天
壤俱淒淒九山塞冉冉谷水枯白鶴久已寂黃犬不復呼斯人今已
矣弔古空嗟吁

偶書

百歲集孤夜山樓起呼月秋蟲聲轉悲感此衆芳歇人身非金石青
髻忽已雪逾淮橘心秋出山泉水汨猗蘭抱香死不受葦莽沒

鳳德嗟已衰宣尼欲浮海賴有載道經神功補元宰刪詩挽風變繫
易憂世駭春秋筆削嚴西秦乃書采微義將繼周逆悲大運改悠悠
千古心後死文書在

古意

庭前有高樹風撓無停枝寒烏噤不鳴夜半環樹飛託身未得所三
匝情依依高飛犯霜露低飛觸茆茨乾坤豈不容振羽將安之徘徊

戀明月顧影徒傷悲

感懷

入山採芝薇豺虎據我邱入海尋蓬萊鯨鯢掀我舟山海俱有礙瞻望凝遠愁乾坤如許大此身常浮漚依託豈無地皇皇將安求何當跨鳳鵬相從安期遊

白酒秋爲巖翁賦

火雲燒空日色烈暑氣著人方鬱結巖翁宴客水亭東竹色蕖香獻清絕瓜削水晶蓮剖珠象箸犀盤盛陳列銀罍捧出白醅酷透鼻香濃風味別傳來未到心已寒灑灑瓊光瑩而潔初疑炎帝行冬令壺結冰澌洗口熱又疑仙掌流沆瀣破甕傾來和玉屑誰向藍田拾瑤英釀成奇液色澄澈恐是太華井中湔脩綆銅鉞汲不竭又恐夜半雷破山石髓分流乳泉裂旣非西貉綿羊酥又非緱山仙鶴血胡爲照眼光陸離藥玉船中色難別令人敢嚙不敢漱怕有飛霜寒齒頰一盃一盃復一盃肺腑盡化爲冰雪憶昔曾誦坡仙詩白酒無聲瀉

油滑開編自覺饒泉流詎謂今朝得親啜主人醞藉如此酒氣味清
醇韻芳冽糟粕古人匪所尙六經抱負特施設君王作醴思用賢應
向商巖求麴蘖

侍郎亭

東鄰花圃栽雙松一朝煨燼枝葉空侍郎亭前有雙松至今古色摩
蒼穹此木受命本千載扶持若有神始終天留眞質表文獻柯葉蕃
茂根本豐百年培植飽雨露虬枝風撼鳴笙鏞掀髯相視雪貿貿擁
蓋對立雲童童不知天地有黃落玄冥失柄春無功雲孫戡寇冠立亭
卜典刑如侍乾淳翁昂藏自是廊廟具天矯亦有山林風稜稜鐵面
不可犯麾去秦爵如飛蓬諸孫奉酒立松下森森頭角皆虬龍

題東山翫月圖

斜陽紅盡暮雲碧一片天景涵水色海濤擁出爛銀盤千里嬋娟共
今夕主人領客登東山踏碎寒光看秋液星河倒影浸空明露華溥
玉夜氣清馮夷激水水欲立海若辟易天吳驚孤舟捲帆泊煙嶼古

木撼壑生秋聲憑高人在金鼇背閒看潮生煙渚外老龍翻海雲氣
寒長鯨捲雪浪花碎茫茫萬頃滄浪中屹立孤峯鎖蒼翠山顛掃石
羅樽疊賓主傳杯不放杯騷客掀髯賦詩去山童踏月携琴來劇談
浩飲不知醉仰天大笑歡顏開倒著接離欲起舞乾坤清氣入肺腑
天邊風月空四時眼底江山自千古謝安躡屐遊東山袁宏登舟宴
牛渚庾亮南樓今在否坡仙赤壁知何許滿眼往事轉頭空千年人
物俱塵土人生光陰若湍流霜痕易點雙髻秋胸中勿著塵俗事眉
間休鎖名利愁我輩適意在行樂古人所以秉燭遊月山追憶舊遊
處盡寫風煙入縑素我來見畫如見景想像高唐猶可賦諸君後會
應可期雲萍合散今何之安得扁舟漱川去日與杖履相追隨登山
把酒對明月共看此畫歌此詩

醉詩歌

茫茫古堪輿何日分九州封域如許大僅能著我胸中愁澆愁須是
如澆酒麴波釀盡銀河流貯以倒海千頃黃金疊酌以傾江萬斛玻

璃舟天爲青羅幕月爲白玉鉤月邊天孫織雲錦製成五色蒙茸裘
披裘把酒踏月窟長揖北斗相勸酬一飲一千石一醉三千秋高卧
五城十二樓剛風冽冽吹酒醒起來披髮騎赤虬大呼洪崖拉浮邱
飛上崑崙山頂頭下視塵寰一培塿揮斥八極逍遙遊

律詩

漁隱爲周仲明賦

一笠戴春雨扁舟寄此情世間塵網密江上釣絲輕不羨魚蝦利唯
尋鷗鷺盟狂奴臺下水猶作漢時清

九日偶書

水國雁已到山籬菊未開判吹頭上帽莫放手中杯暮雨滕王閣西
風項羽臺人生能幾屐惟恨付蒼苔

秋晚山行

鏗然短策聲無事覺身輕落葉山行輒流泉澗飲清蟹痕沙露溼雁
影夕陽明歸路逢林叟班荆畝隱盟

夜坐卽事

對景坐清夜蕭然髩已華詩慳難就稿燈暗不成花
易醉愁邊酒頻歸夢裏家何時鋤舊圃學種邵平瓜

禹廟送春

歌鼓滿湖濱傾城出送春波光明畫艇山色醉遊人
書穴靈何在梅梁迹已陳我來閒弔古回首一沾巾

晚窗卽事

一枕紗窗下池塘草夢安炷雲金鴨暖滴露玉蜍寒
晉帖從頭寫唐詩著眼看晚來吟思倦和月凭闌干

幽居

幽居少塵事贏得一身閒竹屋無人到柴門盡日關
斜陽明晚浦落日瘦秋山隔水雙飛鷺忘機自往還

宿龍瑞山房次周雲隱韻

木葉秋容瘦客懷思故園淡雲微見月一去忽經年
莎草平詩屋江

潮沒釣船何時歸舊隱風雨對牀眠

翠峰菴卽事

竟日尋幽處杖藜不憚遙客行黃葉路僧立碧溪橋巖瀑飛寒雪松風吼夜潮是山皆可隱何用楚詞招

王修竹館舍卽事

池館翠深處寬閒稱客居未仙猶闔苑不夢亦華胥竹靜堪居鶴荷香欲醉魚心清無箇事長日一編書

寄雲谷王府判

曾記還家日重來約夏初自從一別後又是十年餘原憲非關病嵇康懶寄書無從問消息近況果何如

餞越守

旌旆漲天飛江山慘夕暉傾城餞州牧別淚點朝衣人指生祠說春隨祖帳歸自來言越瘠公去轉能肥

別山陰諸友